

曩

雲

閣

集

雲雲閣詩集卷七

吳縣 曹林堅 艮甫

閏五月五日劉侍御位坦韓農部泰華招集城南

龍樹寺同坐陳給諫慶鏞梅郎中曾亮戴侍御

綱孫 趙宮贊振祚何編修紹基張明經穆江陰

吳冠英爲之圖賦此紀事

送梅似江南礎潤連朝雨九衢泥漉漉差喜少塵土選
辰赴朋招蕭寺展重午蒲葉青漸稀榴花紅可數彌望
有兼葭微風浪掀舞惜無舫舫船嘔啞聽雙櫓軸簾對
西山雲氣化煙縷諸公腹便便經史互撐拄瓊椎恣按

雲閣詩集卷七

求有好物斯聚寬甫小亭精於鑒賞家多收藏因之念同閑幾人歸宿

莽按書推澗蕢顧氏鋟版稱堯圃黃氏不及顧二孃小研琢

鸚鵡小亭新得研為吳門女子顧二孃所製佳遊快合併勝引足儔侶文

章擅金閨趙伯厚何子貞著錄有民部梅伯言安道始乘驄雲帆孟

公已解組頌南張君氣量豪石舟酒龍而詩虎胸中萬磊塊

腸行子毋怒不見秋曹郎口瘡不能吐猶能工飲啖煎

燭適腸肚腸肚鎮煎燭見昌黎詩岩岩江翁亭落日照欄宇昔廢

今已修新翠撲城堵當年修禊人展卷喜重覩寺藏丙申年江

亭展硯卷子是日重題名焉高興集簪裾異時想樽俎亟須買東絹

團團繪賓主儘喫缸面酒寶者任藏弄勿使永和年名

氏獨千古

閏夏十三日潘季玉爲頌南設餞招同羅椒生趙

伯厚何子貞莊衛生翁葯房朱伯韓吳清如蔣

心香楊墨林子言昆仲飲於頤園不至者六人

頌南有詩卽次其韻

園在右安門外爲誠述堂司空別墅

城南有別墅可比祝氏園

竹垞有南城祝氏園聯句詩

竝馬入林樾

餞客攜壺殮丹霞夾雲氣團團捧朝暎風香擢早荷水

茹葅春繁曲池漾明漪平野羅青蕃坡陀歷苔磴周遭

見花村

居人多種花爲業

解衣坐小窗益哉賦高軒傾醕各霑

醉嘔曠呈方言颺然涼雨來萬木靜不喧便思展衾臥

車塵埽公顯息影心自遠閉戶道彌尊君子審出處括囊取諸坤去去縛雞棚營營笑蠅樊惜別別難挽擇交交易敦迢迢數籤郵願瞻在亭桓

送同年陳頌南給諫

慶緒

歸閩中

昔者龔侍御

期麟

誅茅樂田居奮舌彈將相收身還里閭

句見竹垞過龔御史田居留飲詩

長篇賦朱十匪朝亦匪譽百載後有

君經史以爲畚鍤戔戔解薦冠觸邪洵不虛一朝傳諫章百手煩鈔胥

帝曰汝抗直下

詔其褒諸

癸卯四月有抗直敢言之語

上諭言

責自有歸夫豈沽名與古人勵風節守身重璠璣富貴

我何有浮雲任卷舒左遷適註誤容色何懊懊駕彼方
板舟舍爾薄笨車七十二沽水楊柳陰扶疏君攜家由水程南下
落帆金閭亭飽食鶯脰魚君家晉江側曾結詩八廬偏
師攻長城過客好相於秦系劉長卿事團焦且先縛髻髮未須
除刺桐城裏花暝菜池中蔬陶然一尊酒世事不關渠
得歸貧亦足樂哉樂只且嗟予戀升斗百累紛牽掣面
目作窮相有若團磨驢買山錢孰助早當賦遂初千秋
已讓君大書而特書

絕句二首

肥阿詞人念歲華開樽相勸酌流霞無端地上金銀氣

一夜光連貫月槎

太學安知有蔡邕
職方那更辨雷雍
耽書不作楊風子
輸與街頭賣菜傭

詠莪兒示松風閣詩鈔卽題奉柬四首

剝剝誰能埤臼科
未妨心苦作陰何
隄廩點定詩千首
比似清風客已多

魯直自稱清風客
晚歲刊定詩三百
八篇見石林避暑錄話

藕花涼透扇湖風
散直閒嘶柳下驄
自有少陵詩史在

漫將金石比歐公

君收藏篆隸碑版集中有金石詠絕句三十五首

日下裁箋記舊聞

有幽州土風吟

江湖回首惜離羣
與君各有

黃墟感宿草荒時爲定文

予刻蔣澹懷心白日齋遺集君刻王井叔剛雅堂遺集

周北張南日往還

今春移居與君爲前後鄰

杯前酒膽近來殊他時

判得錢千萬同看楞伽一角山

贈行

無爲學子袂相送意何如古戍笳聲動長隄柳影疏旌旗遮驛館星月伴輶車案有官奴帖吾將學楷書

酷暑遣興八首

樹杪蟬聲斷續聞雨雲未散換晴雲老夫飯罷無一事擬作雞驢九錫文

斜倚隱囊思晝眠糊窗冷布疏於煙涼棚過屋三四尺費卻百串青銅錢

昨日故人寄魚麪

武昌令張仲遠

使我飽食武昌魚饒叔別有

南烹味名蟹佳蝦都不如

宣教可能比招隱

葉石林謂何山宣教寺不如鎮江招隱寺

理安畢竟勝靈

巖幾時坐我松顛閣萬斛螺青潑絳衫

三年刻楮笑無能爲問黃梁熟未曾怪得出門嘲襤襪

頭銜早謝一條冰

火繖當空汗雨流誰云西北有高樓輸他散塾村夫子

閒看門前鬪水牛

小戶難從河朔飲熟眠那得琵琶箏

用范德孺事

便教腹熨

彈碁局羈塊須知熨不平

生涯隨處足樵漁十丈塵埋轂駟車何似結廬熨斗柄
萬梅花頂一樓書

此亡友蔣澹懷句也曾繪圖索題予極賞之

讀顧菴塘明府

翰

拜石山房詩卽題其後

詩名官職本相妨
醇旨猶聞顧建康
簿領消磨豪士氣
鶯花橫從少年場
已教宿草悲元伯

君與亡友趙艮甫爲婚姻集中多唱

和之作

曾向高牙識季方

予與君未謀面令弟竹畦曾見於香谷中丞署中

多少

園林客買斷歸舟若箇載奇礪

戲答

朝朝也自攬青銅姑布唐生術未通
休笑我儂窮薄相
但能吳語是三公

卽興

赤日盡遮卻猶嫌單葛披
瓜香眾蠅集槐靜一蟬嘶
斷客飯炊早無風冰化遲
竟須拋筆硯偶讀故人詩

讀彭秋士先生遺集題後

先生名績長洲人二林族
父與吳縣汪縉大紳張岡
崑南沙維杓斗初鎮江楊
磊石漁瑞金羅有高臺山
爲詩友遺集六卷詠我宗
丞藏之

燭昏月未上開卷一回吟
風露飽蟬腹雲天清鶴心
命窮有至性調古希知音
何日訪殘碣蘿煙荒隴深

葬九龍鳴

詠莪按刻王井叔

嘉祿

嗣雅堂遺集爲賦此篇

遊暑不停景浮雲奄以馳之子捐館舍廿三載於茲墜
歡渺難數江水流瀾瀾灰釘萬事已存者幾卷詩雖爲
名父子衰門莫支持覆甕與投溷其事容有之賴有金
石交出錢付厠削鐙昏手按定不顧兩目眇敗頁走蟬
蝨幽光動蛟螭憶昔其酬唱興酣筆淋漓俊遊有蔣趙
正當芍藥時甲申三月在揚州事惟君最跌宕眾或謠蛾眉秋心
破橫竹春氣揚華蕤芬芳頗自喜逋峭亦難爲天若假
之年所造不可知鬼伯一何酷掩卷重歎咨此編幸流
播冥冥見交期可惜芳草堂藏書賣無遺

題同年李雲生明府

文瀚

思耕望讀圖

綠野春耕催鵠鵠使君已化腰間犢嬌兒衮師炯雙目
有書有書挂牛角宛溪之旁敬亭麓君宣城人思歸手把牛
宮築可容便享神仙福且向岐山聽鸞鷟君宰岐山嗟我爲
郎長局促獼猴土牛天所桎悔不關門把書讀兒駮且
頑卷高束且買烏犍使之牧

朱孝子詩爲同年亮甫太守右曾先尊人舉亭先

生作

士夫敦百行忠孝爲之基所貴踐其實此外無良知
東盛文物山水鍾靈奇子柔與長蘅卓爲儒者師先生
秉清懿右矩而左規有親弗克事安用讀書爲親疾頓

牀蓐藥餌罔克治刲臂見至性神全體胡虧居廬形骨
立哀哀蓼莪詩奉母恭厥兄兄子畜以慈手編日鑒錄
古人相切劘經史堆滿案琅琅有文辭天欲昌其後一
第固有司涼涼歸研室焚餘橐僅遺

先生著述大半燬于火翳余

同歲生攻苦早下帷置身到玉堂已非少壯時

帝命作郡守五馬榮旌麾版輿侍官廨用申烏烏私吾
聞二千石一郡之綱維潁川設俎豆皮弁莘莘而俎豆
亦虛器真意在羣黎下車昭激勸末俗回澆漓慈儉以
爲寶方圓隨所施何況理學邦尤易磨礪之

亮甫出守徽州山

高峯業業水長波瀾瀾父孝子作忠勛哉令名詒

題廬州刺史黃否川魯溪胥江送別圖

一櫂胥江水岷峨萬里情
流將鄉夢去照得使君清
尊酒重相見顛毛各自生
嗟予滯京國空負白鷗盟

九日鄆松亭前輩招集廣善寺同游可園作園在西直

門外卽明菴
駙馬白石莊

去尋蘿徑轉莓牆
駙馬園林白石莊
遠近山光圍紫翠
淺深樹色間紅黃
低橋斷阪通鷗渚
荒草寒坡認鹿場
難得蕭閒似今日
長安一十二重陽

不勞齋饌設伊蒲
白玉盤行竹裏廚
山鳥自啼遊客少
秋花相對宦情無
喜招日下新詩伴
還覓高陽舊酒徒

聞說春時桃杏好開門重爲埽煙蕪

仲冬廿二日劉寬夫侍御招同梅伯言戴雲帆何

子貞趙伯厚張石州餞韓小亭農部出守潼川

晴冬無雪交三九不用消寒買滄酒餞筵共此燈燭光

故人去作潼川守畫隼翩翩到蜀中縣陽水與涪江通

單車定已知龔遂治譜從教推弱翁君家錢唐門列戟

粉省含香早通籍奇字常摩瓦屑文斷碑好訪蠶叢石

小亭博雅多收藏城南杯宴記畱連蕭寺榴花紅欲然

閏重午日集飲

龍樹寺吳生作圖清詞麗句傳千紙雅雨黎風判一天

須知化俗歸文雅不數後張與前賈益部爭誇十樣箋

中和樂職詩能寫特牛草馬最關心東華雙鬢愁侵尋
但有名流選臺閣那教離思感商參參橫斗轉車聲動
主人勸客重開壺獸火紅添蠟炬明貂裘白壓霜花重
萍蓬會合更何時滿酌春醪君莫辭送人作郡吾已慣
今宵雅集能無詩

寬夫侍御見示近詩賦此以贈

自從束髮走萬里山水金石多愧奇薑芽斂手不敢寫
所怕詞作徐凝詩一星終矣恩郎舍攘臂卻笑形支離
有數卷書媿著作

見宋書孔
洵之傳

飲叵何酒同袁絲名流近

頗其談讌鵲鸞鸞瞻風儀陳

頌朱伯梅言張石何貞
南韓梅言張石何貞

道伯雲厚戴帆登壇各樹正正旗劉侯拔戟自成隊行空天

馬誰能羈繩牀經案致足樂晉輒漢云投無遺興酣落

紙見鋒發手截青兕刺黃熊運箴之圖集輒冊儒泉大

筆何淋漓俱爲呂堯仙竹垞樊榭富卷軸君詩博綜乃

過之古香異采動縑素如對鬲廬鐘甬彝晴窗挈拖百

回讀祇須痛飲玻璃卮招攜每費十人饌羊腔鹿尾家

庖治招飲饌必精富張南周北重情好春鵬秋蟀多佳時簪頭

生絹著水墨爲我橫幅仿大癡君兼工繪事去年山游想潭

栢靈氣窅窅清肝脾便呼青猿騎鐵獺去訪蘭若尋招

提曾示游潭脚鞞腰笏本無謂何況祿命生來遲男兒

不作八州督伊川田父眞吾師

用原詩中意

丙午臘月十九立春爲坡公生日寬夫侍御招集
邸齋作春酒介眉圖因集蘇句奉題凡四百八
十八言

東坡何事不違時尊前侑酒只新詩會與江山成故事
蜀人文賦楚人辭恍然一夢瑤臺客鶴林神女無消息
耳冷心灰百不聞欲吐狂言喙三尺舞衫歌扇舊因緣
許我時逃醉後禪卻尋三十年前味快瀉錢唐藥玉船
酒醒夢回春盡日舊游似夢徒能說水軒花榭兩爭妍
笑指西湖作衣鉢

憶自戊寅別西湖
忽忽三十載矣

世緣終淺道根深

一彈指頃去來今孤雲出岫豈求伴已作蕭條歲莫心
功名如幻何足計只慙無補絲豪事我來取酒酌先生
已約年年爲此會高會傳觴似洛濱仍呼我輩不羈人
深紅淺紫從爭發浪蕊浮花不辨春我欲仙山掇瑤草
人間岐路知多少更於何處覓蓬萊要知冰雪心腸好
絳蠟燒殘玉笋飛東風暗與色香歸乞得摩尼照生滅
上窮非想亦非非人生曾合古難必塵土何人爲披拂
搔背那解轉方輪莫歎郎潛生白髮惆悵紅塵白首郎
誰能斗酒博西涼若問西來祖師意門外誰聞佛放光
寬翁素奉佛
相通內典相識雖多少知己即可聊須答如是安排

春事滿幽欄喜氣到君浮白裏醉裏題詩字半斜他年
應作畫圖誇未害冰壺貯秋月卻將燕石報瓊華使我
有名全是酒爲問少年心在否忽驚雲海戲羣鴻收得
玉堂揮翰手是夕飲罷主人出橫卷索書予題五人間
言二十字何子貞臨馬券帖一通無處吐長虹爲我起蟄鞭魚龍橫空好在修眉色彷彿
曾遊豈夢中圖以介眉名
謂眉山也名字於今挂仙錄一盞寒泉
薦秋菊從渠一念三千齡佳名會作新翻曲

題潘星齋編修飛雲覽勝圖

飛雲一片石題墨三朝人格舉先生芝軒師奉
使過此俱有詩刻石復此見
圖畫超然淡筆皴思君南詔役時典試
滇中老我東華塵四

十載如昨荒荒蘿洞春

予於丙寅自黔歸里

題孔繡山孝廉

憲葬

尺五莊餞春圖

孔五詩傳對獄樓

見示尊著對獄樓詩錄

拏雲

館名

奇氣足千秋長

安花事正爛漫那得君名在別頭

君以誠甫入簾避試

披圖觸我舊情多秦七遊蹤近若何

謂澹如

猶記城南訪

張籍

壬辰三月事

冷煙蕭寺感山河

亭甫物子都門松筠菴

朋招勝事儘堪誇臘有新聲付笛家可笑春明門裏住

不曾扶醉去看花

四月十五日城南龍樹寺小集紀事四首同尤信

甫

堅

金心畬

晦善

白哈烏巾選勝遊葭蓼煙景似新秋

寺有兼葭蓼

鬱輪袍聽

誰家唱水荇風蒲一段愁

春闈報罷同人多歸里者

花時已過牡丹風櫻筍廚開佛院東白玉盤高容射覆
畫欄干角酒鐙紅

卜居心事話江南銅井銅阬好共探十載亂絲叢笛裏
舊人惟是有何堪

新拓江亭似水鄉叢蘆面面受風涼憑誰點綴簪頭絹
付與張龍樹手裝

鄂松亭前輩聞頌南給諫南歸之況有詩代柬卽

次原韻

晉江渺天末相憶送歸鞍志合跡偏阻道尊身自安一
從明旨降未覺評臣難骨鯁風畱在新詩百徧看

題錢冬士同年

步文

破車圖

韃馬聽雞月幾回掀泥生恐兩輪摧道旁應有兒童看
錯認褰帷刺史來

宣武城南僦屋居近來揮翰興何如郎官那得加三望
合坐沈公無轡車

先鞭早已讓驂騑鈴馱聲中數倦郵記得春明遲我到
羸騾不駕駕羸牛

癸巳散館北上一步
甚億途中屢易以牛

一瓢一卷足生涯逢著青山便是家畢竟羊頭車子好

不須寫得滿川花

題雲帆侍御吟禪醉隱卷子

落花風裏鬢絲絲此意拈來問祖師
燕市若教還酒債不妨多寫可朋詩

朝罷閒乘御史驄不知塵世有三公
淨名天許詩人住月一回圓酒一中

也饒吟思在天涯山隔蜻蛉夢亦遮
余在滇十九載衰病年來

成小戶欲呼文了爲烹茶

朱伯韓侍御假歸省親口占二十八字送別

迷陽迷陽奈若何萊衣且去臥煙蘿
秋風不爲傷離別

只恐寒蟬自此多

題陳良叔孝廉

克家

精寶山圖

靈寶眞形上眞授不意夢中君得之寫實自工漢代學
取精直貫義經辭金繩玉簡問宛委仙的神囂通趾離
名山著謨不朽事他日江東推大師

葉潤臣舍人

名禮

有夜直寄懷之作次韻奉酬

爲與故人別西垣夜不眠關河盡尊酒

連日諸君爲伯韓侍御設餞

邊塞有烽煙

西事未歲

行色催歸櫂朝班感暮年如君氣慷慨

慨正可勒燕然

時以鴈門策馬圖屬題

題潤臣舍人雁門策馬圖

雁門天下之險要雲表雙闕森嵯峨偏頭倒馬互連絡
迤北橫帳環裊羅燕雲割自石晉手胡馬直飲滹沱河
營平幽涿幾爭戰斷箭遺鏃埋山阿 本朝疆宇廓無
外部落不復分沙陀使鹿使犬盡臣服水流敖嫩山博
科憶昔驅車井陘口天門日落松風哦黃花紫蒙惜未
到固關題字今多謫案井陘關亦曰故關在獲鹿界距
平定州治九十里之固關乃明正
統時所置故固同音圖經未之
分析曾於西輶日記中辨正之舍人飽學擅才調西垣
視草佩玉儼璫裘出塞訪和仲哲兄崑臣時
爲雁平觀察勾注陞道
揚鞭過迢迢邊埃靖虎落蕭蕭林樹圍鵬窩郅都墓柏
今在否絕頂四望平沙多沈淪莫薦魏尚守感慨欲發

梁鴻歌南人使船如使馬氣壯足可吞蛟鼉西陲么磨
還螳臂將軍傳箭馳明駟指麾白羽在韜略不用有力
擊鈔鑼封狼居胥立銅柱丈夫事業休蹉跎烏虜丈夫
事業休蹉跎

題許石聲大猷西湖釣遊圖

白別西子湖於今三十載戊寅正月約同人爲西泠之遊白雲去悠悠

南北兩峯在同遊感黃壚芒屨不我待孤夢繞煙岑開

眼萬人海所思水磨頭秋花寒始蕾雨汛寫南渚畫手

工未逮應有雪灘翁扁舟歌靄迺沈南渚有西湖雨汛圖見竹垞集吳江顧

茂爲自稱雪灘釣叟松陵女子沈關
關刺繡作雪灘濯足圖見明詩綜

曇雲閣詩集

卷七

十四

裏湖外湖間湖煙淡濛濛過橋鷗影聚環港鶯聲通幾

枝水楊柳盡日搖東風不如月湖好綠淨琉璃宮

杭人云晴

湖不如雨湖雨

理安更幽絕杉翠撲萬重便坐青竹兜

去聽閣黎鐘繁華一轉瞬蟋蟀秋堂空

秋風起長安浩然作歸想豈無入社人詩句出孤蔣

明嘉

靖間西湖詩社

有八見樊榭集選勝挹袵情披圖矚疇曩吾鄉熨斗柄

香雪足清賞因之念西溪那不策筇往淒淒候蛩鳴槭

槭霜葉響何苦著朝衫遲予理雙槩

偶作

絕好秋光帶蘚痕惜無錢買菊花盆新詩大半題圖畫

舊雨更番約酒尊

謂清如心命

一第功名嫌我晚五湖心事

向誰論行行休說逢驄馬聽煞寒蛩自閉門

上封事作

十年裏印帶郎官走馬新彈柱後冠

聖主從來求瘼切

小臣

敢謂建言難夜深月采臨宮

闕秋老霜稜厲羽翰回首江湖釣遊處自知門地本孤寒

心畬同年餉菊四盆口占爲謝

正自無錢買菊花今朝花影上窗紗對花直得一番醉
烏府先生雙鬢華

九月十七日同人招集天甯寺

幾日遊驂未肯停上方鐘磬許重聽
尊前舊雨欣浮白檻外羣山好送青
穿徑野麋還僕速抱花寒蝶自伶仃
如何繞徧開皇塔不見三千六百鈴

塔多鈴鐸今無存矣

十八日寬夫侍御招飲卽事二首

檐際紗籠燭花光分外幽

主人齋名

今夜月殤客幾番

秋嶺嶠人初去亭林句未酬

重九日秋祭亭林祠並餞伯韓諸同人分韻賦詩予

以家忌因思濠上樂爭把釣竿投魚酒令

不赴

因思濠上樂爭把釣竿投

魚酒令

坐上皆詞伯都來就菊花胡荽香怕近

子貞與予俱不食此

名蟹

貴難賒

今秋蟹極少

雙日端公宴微雲女壻誇

喬鶴儕工部吳竹岩編修

皆寬翁之誓是日饌單羅品目畱與付麻沙
與黃吉士定婚

對菊用前韻

不教簾幙透霜痕手插新枝舊瓦盆每憶 宮廷人散

直

謂清

最宜風雨客攜尊陶潛歸隱身長健杜甫傷秋

事莫論寫入九歌圖畫裏蕭蕭黃葉已堆門

李伯時九歌圖見宣

和畫譜

歸計

歸計吾今決何須俟有田禁呵虛赤棒點檢贖青氊過
眼看朝籍捫心媿俸錢滄浪如可住便放潞河船

卽興

曇雲閣詩集

卷七

六

盆菊花都綻秋齋少客過風高斲鴉陣木落見鷹窠朋
舊歡難續封書積已多連日得漢槎信甫北堂詠仙諸君書猶聞馳羽檄
邊塞正橫戈

廿八日集清如寓齋三首

那曾調笑泥紅裙酒戶如今退幾分不比夜深扶醉起
鄂君繡被有人熏趙雲松爲畢秋帆作李郎曲有畢卓

見雨村詩話

葉戰西風樹樹涼鞠天新酒過重陽不齋也禁團臍劈
莫費官庖細項羊賜食敢思烹細項家庖仍禁劈團臍
放翁句也今秋無蟹予性不食羊故云

寓感

星芒誰與問穹圓
覽古思今一慨然
縱有長孺能發粟
可無充國計屯田
寬鄉難緩農丁賦
埽岸虛糜外府錢
幾輩詞臣擁旄節
莫改勲業讓前賢

十月十一日集心齋寓齋

八月君移居坊南地稍僻

西磚兒胡同在法源寺之左

過從尙有車

弗煩阮生履時序
屈煖鑪餽飭費殺核燭影聚三人小

幾注重碧

酒名

月痕穿樹梢
風意動簾額
清鐘斷續撞僧

寺一垣隔何人忌此聲
舍之敝他宅蒙獨不云然
渣滓

沈胸滿太空
著纖雲去住了無迹
五箭說荒唐

見睽聽車志

者是有癖不見王侯家森森門列戟一朝委榛莽苔蘚
上甌甌但當用我法所取適其適頻來少談資此可浮
一白

父積堂明府

慶源

至都集飲寓齋作此奉贈兼以

紀別

自我與君別彈指六年久君年長我三我今已衰醜君
而尚丰腴百斛器能受爲言別離情雲樹幾回首作宦
旣殊涂人事各紛糅千里渺音塵尺素書未剖魚臺煩
劇區君早膺墨綬孟頫雪民冤補之除盜藪皇皇新廟
庭濟濟作師友

學宮傾圯君下車後集貲修葺一新狹
邑無書院君按期課士獎勸甚切

鄉起情窳薄俗返淳厚但令矩從心不虞事掣肘詩詞
雖已廢政聲在人口俗吏今幾何蠅營而狗苟脂膏足
自潤難免士夫詬果其才可見豈皆數不偶如君好長
官行作大郡守嗟予帶京國微祿竊升斗迴翔一星終
騰踏看某某今年入烏臺叨忝冠柱後梟鸞自有羣奚
煩肆擊掎卻慕柴桑翁門前栽五柳不知通潞河容我
挂帆否寒窗朔吹號飲君一尊酒霜菊開已殘遲君作
重九相會錄雲萍同集有錢冬士沈子衡魏條三邵
蕙西蔣心香君與子衡初識面相
思寄瓊玖各各喜傾衿恩恩惜分手

佑聖寺壁間懸有冬曉赴寺監飯詩七律一首爲

乾隆丁酉十月作下書楚鄂研露老人階檢閱
御史題名竝無其人感而賦此

殺下班聯重諫臣寒鴉古剎詠霜晨如何緡徧題名記

不載烏臺白髮人

詩有班聯常自遜前賢白髮烏臺又一年禁漏初沈來古剎寒鴉飛噪欲

霜天之句

十一月十二日夜雪

溫鑪火地峭寒生坐覺窗楞透紙明攬袖無聲知已溼
擁書有味與俱清綠浮酒易三升竭白戰詩難七字成
寫箇五湖圖最好雪灘先署釣師名

得同年李制府書

傳來一紙秣陵書未讓興公賦遂初翻覺滄浪成捷徑

謂吳下最難講讀有精廬臥游圖畫從知少曲宴杯觴

莫任疏畱得烏臺餓鳥住流鴻中澤近何如

題畫

一曲清溪一釣竿濛濛絲雨綠蕤寒季鷹無限秋風思
得飽莼鱸亦大難

韋君繡

光徽

六十初度索詩爲贈

契闊吾思韋仲將好詩傳徧在山堂

著有在山堂詩集

四禪老

證聲聞果一業雄開翰墨場昨有報書來鶴澗最難清
福占鱸鄉朝衫一樣酸寒味蔗境輸君子細嘗

五湖空約鷺鷥盟香雪梅花夢不成最喜清閒董元宰

頗思通悅謝幾卿

董琴湘觀察謝默卿司馬皆君交好

青囊自有神仙術

君精於醫

白足都傳居士名

近刻寒山寺漢銅佛記釋氏題詠甚多

遲我十年

應未晚好扶鳩杖會耆英

再上封事作

封章自効

小臣

忠疏逃原能達

聖聰漫許焦湖人作獼

見江南餘載

須知京國我乘聰殊方

卻見機槍埽

西事已歲

樂歲還虞杼柚空鵲鷺游陪狐兔竄

請看臺閣已生風

謂陳杏江王蔭之毛寄雲三侍御鵲鷺忝游陪唐劉懷一監察贈殷中鄧

詩茂

獨坐

獨坐親鑪火朋簞少唱酬此心能不凝於世豈無求旨
蓄催開甕寒消待典裘還思江介客風雪有孤舟

得王子梅

金陵書

自遣

酒是形神宦是家北窗何日枕琵琶堆鹽已見四番雪

宿火畱烘三樣花

梅桃水仙

結習未忘吟白紵奇窮不稱戴

烏紗只餘兒女團圓樂又聽蓼蓼臘鼓搗

丁未除夕口號

樺燭雙枝照水仙貂裘夜半去朝天紫荆本是無皮裏

風雪番番也過年

語見老學菴筆記

題朝鮮李蕩船 尙迪 小照

朋交寥落悵關河京國逢春別思多

乙巳同集諸君俱先後出都 卻

喜吳生圖笠屐居然海外有東坡

圖爲暨陽吳儁所畫

重泛松京使者槎我無好句續皇華

李雨村著有皇華集朝鮮使徐浩修

鶴山見而愛之乞得數部見雨村詩話

歌商樓與青莊館肯把詩名讓四

家李書九洛瑞柳得恭惠風朴齊家次修李德懋懋官爲朝鮮四家得恭有歌商樓小橐德懋有青莊館小

橐

盆花三絕句

銷除陌上鞦紅塵別有瓊宮一段春未必東風催結子

不言空學息夫人 白桃花

玉遮銅井好家鄉翠閣周圍十里香拋卻空山冰雪裏

也來時世鬪紅妝 紅梅花

簪弟梅兄各自妍淩波誰更識嬋娟圓瓷碎石無多地

不拜花師瘦可憐 水仙花

戊申正月十八日季玉招朝鮮李蕩船吳偉卿翁

蔣房王蓉洲吳清如蔣心香呂堯仙星田昆仲

邊袖石張子受周岷帆承子九畫師吳冠英集

飲松筠菴賦贈蕩船卽以送別

四海同文日如君不易才相思流漢水此集重燕臺

子因

曇雲閣詩集卷七

三

張仲遠識滿船於偉卿仲遠舊雨看圖畫新知其酒杯仲遠

禹齋仲遠今宰武昌仲遠海客琴尊第二圖紀乙巳正月十三日梅花一齊吐應

為使人來

王事同行役登臨壯思多滿船近陪柏明兩欽使西行五千餘里黻江勞

已甚遷客近如何謂朝鮮金秋史珍重貽九藥消搖待

訪蘿見贈九藥牋依然腰腳健官職任蹉跎乙巳正月廿六日與

滿船別後一病幾殆

君喜登樞要滿船在朝吾慚作諫官眉頭今古集胸次

海天寬此去還相憶重逢亦未難香山好金石先與寄

長安朝鮮有妙香山普賢寺碑

讀南疆繹史勘本書後

平生不識李子玉所作乃過裴松之焦原毒浪無窮恨
想見鐙窗泚筆時

書憶

花片成團柳颺絲臨流亭閣影參差
輭波十里橫塘路正是全家上冢時

北來魂夢繞家鄉節過春分日漸長
最憶靈巖山腳下市攤擺近石牌坊

偶得

臺省官清合閉門曳車休更爲兒孫
曾有題老人曳車圖詩貧安

心是投良藥老讀書如護宿根流水落花都有意來鴻
去燕總無痕瑟居早把胡牀挂那覓高人與細論

金吟香刺史

寶樹

屬題薛素素蘭竹小幅二絕句

一痕湘怨損蛾彎別種幽情畫裏間好煞月高香冷後
素素臨江仙詞有月高星數點香冷漏三更之句偏教腸斷李征蠻

坊近黃華路幾條雙九星落馬蹄驕金吾宅後調鉛粉
東院應知如雪簫

素素在京師居史金吾宅後見日下舊聞

梁耐軒同年

韻

見示香山試館餞別步香南陸稼

堂兩太守之作卽和原韻

同年雅集已成三

今歲諸同譜已三集

走馬天街雨正酣

連日京

邸送人杯草草

稼堂先散香南後至

園居因樹屋潭潭

館中卉木頗盛面

龐漸覺觀河陂齒頰難逢說士甘不用名場嘆遲暮須

知松柏異梗楠

有感

月白風清夜無端百感生帆檣直沽水花鳥闐闐城赤
白丸誰問雌雄劍不鳴料應終負我三十六鷗盟

淫雨

南北同淫雨斯民最可傷吳州昔僑寓澤國易倉皇
關 已急策魚緣木平時燕處堂釵叢聞已散應得念隄

防

偶書

秋雨何曾歇
莓苔綠到門
牀頭牘書卷
眼底又兒孫
七月三日得一孫
二子清苦臺官
味淋漓屋漏痕
還思約朋輩
料理菊花樽

王子梅鴻出都將有秦中之行口占爲贈

世上無人說
項斯敝裘羸馬
去何之
華山不厭千回看
若到潼關但作詩

題黎月樵侍御吉雲湘山圖卽送南歸

湘山高高湘水深
王喬浮邱長沙二山名不可尋
蕢蒺滿眼

蕢蘭歇寒蛸
抱葉蒼蟻吟
東日西月光
不壞沈冥照見

萬古心痛哭已傳賈生策孤彈莫賞成連琴長沙歸客
浩然去秋風搖落燕臺樹早年標格傲鸞皇絕世襟情
證鷗鷺長鯁磨牙海水飛搔首風塵莽迴互陰符六韜
書萬言按劍足使蛟龍怖天閭岩峩眉不伸地軸蒼茫
氣能吐瓊廚金穴自飛騰美人芳草徒遲暮人言君去
太落寞我道歸與致足樂誰誇富貴七葉貂但見古今
一邱貉呼權應過洗藥池扶筇爲訪遺經閣北山之文
那用嘲南陽有田差不惡橙黃時候把雙螯了此一生
足浮泊餓烏臺上噤無聲前人句凍死何殊紇干雀畱將
諫草萬人看玉堂詞賦都糟粕送君莫惜酒千巡口銜

石闕腸轉輪亭林祠前話佳節

祠在報國寺每歲九日同人設祭後集飲于此

盧溝橋外驅蕭辰吾鄉最好熨斗柄料想不及梅花春
富春山水更清絕畫手空學麻皮皴蓬窗有詩好相寄
又過燕九聽鴉鵲青鞵布韞催料理我亦江湖澹蕩人
送月樵侍御之歸有懷頌南伯韓

驟綱取次趁霜晨消卻東華十丈塵前度墮袂憶朱穆
幾回投轄少陳遵儘多臺閣飛騰想輸與江湖自在身
若使諸公畱得住肯教風骨讓埋輪

黃矩卿侍郎歸養滇中奉題采蘭菽菊圖卽以贈

別

九重下

明詔拜笏辭

宸旒惟

帝念孝思

曰俞不汝留陳情感

天眷罔極恩可

酬孟冬筮吉日行行觀八騶誰云親舍遠雞鳴數籤郵

萬里猶咫尺直指西南陬邇自通籍年歲星已兩周吹

藜校中祕視草鏘重鏐封軺錦官城文筆風雲迺陔華

得娛養滇蜀匪阻修

迎養四川學使署

還

朝晝

三接

嘉命褒詞頭夏卿掌戎政五兵肅貔貅要將子職盡長
念

君恩優懸知祖餞日回首思 皇州峇峇太華山鬱鬱

佳氣浮采蘭堂之畔菽菊庭之幽菊以制頽齡蘭以挈

晨羞手定一品集八千紀春秋明發已無忝此外何所
求有親盍歸養願言告同儔

立冬前二日夜

夕陽絃管漫相催

是日友人招觀劇

歸後重傾縹色杯風定月

高開戶看不知黃葉已成堆

李貞婦詩

婦字同年李介猗農部

燕昌

之猶子未婚守貞介猗爲

之傳以徵詩

自采柏舟簾彤史有通例女子重問名及笄而後字雖
未行廟見納徵禮已備壻亾女守貞皎日此心誓爲人

所難爲亾于義之義朝廷獎風化破格示旌異我讀介
紹傳傷哉玉樹瘞淑媛矢靡他搢膺潛以涕入門奉舅
姑鞠育延後嗣松筠懷其操冰蘖堅其志巾幘有完人
九京亦可慰食彼西山薇豈必在委贄洋洋冬士作庶
乎國風繼同年錢冬士詩有夷齊未受祿易姓粟猶恥采薇登西山詎與微箕比之句

題姚湘坡同年北堂侍膳圖

昨送黃侍郎養親歸六詔贈行詩滿篋行色相照耀翳
余同歲生詞林擅才調自爲吏部郎鶴廳稱簡要衣盃
付有人春秋試分技出處道所宜山林等廊廟陟屺動
歸心命彼潞河權入門舞綵衣歡然承色笑絃詩譜南

陔春羹菘可芼稱觴樂只且琴川足游釣母曰以往哉
君恩汝當報待汝入諫垣勉旃嘉謨告庶幾慰劬勞作
忠以全孝手繪壽萱圖翟甫貌惟肖看義柱後冠再捧
五花誥

米字碑石田漱芳侍御屬題

劉寬夫云嘉慶甲戌六月城南毘盧菴浴井得奇石僧
託以神怪謂石能作語觀者雲集巡城御史恐惑眾遂
曳石置於北城察院廳事而不知其爲勾園舊物也時
同年馬研珊書奎目擊其事作長歌紀之復與丹陽姜
漁璜渭徵各製壺天慢一闕嘗以見示惜不獲捫捥米

老遺蹟比年備員柏府始從張菊潭給諫乞得拓本其
文與朱竹垞日下舊聞孫退谷春明夢錄所載盡同
璫椎脫手嘶蛟龍井泥滲漉蒼苔封勺園堂空竄鼯鼠
瓦屑痕漂沍秋雨晨星落落妙楷光神物變怪非荒唐
乘聽御史新揭得畱伴奇礪到公石

病目紀事三首

九重宵旰盼祥雲陪祀郊壇破曉行到晚西風吹病眼
月輪還向鳳樓明

十四寅刻天神壇祈雪
陪祀是夕值宿科垣

閒吟祗合賦冬桑那得仙家洗鍊方一笑蘭閨新有伴
終朝相喚豆姑孃

卽紅姑孃
可治目疾

三九怱怱四九過玉梅生意透枝柯一番錯卻消寒會
又見釵頭綴鬧蛾

楊伯雲見貽盆梅感而賦此

娑拖病眼幾回看臘鼓聲中歲又闌與我不妨相媚嫵
如君也覺太清寒穠香俗豔銷除易玉骨冰心位置難
料是前身耐風雪閉門判得臥袁安

臺雲閣詩集卷八

吳縣 曹楸堅 艮甫

己酉元日侍班用丙午除夕口號韻

游戲蓬萊有謫仙官居重到大羅天

科署在御鑪煙裏
端門內

開闔闔突兀班心又一年

湘槎易硯卷爲爰冬伯庫使

恩鑑題有序

嘉興沙青巖木喜蓄端硯客維揚時吳門盧湘槎元璫
以所藏文五峯伯仁畫卷易其一同人各有題詠嘉慶
己巳三月事也冬伯購得此卷己酉春攜至都門屬題
因次卷中吳穀人前輩原韻卽以贈行并寄尊甫積堂

大令

尊公交我逾卅年罷官乃不名一錢傾杯共醉燕市酒
曾幾何日相周旋嗟哉廉吏世所棄不如老生耕硯田
郎君玉立擅風雅感逝又賦黃門篇城西蕭寺乍相見
紀羣交誼非徒然六尺之絹五峯畫攢苔索綫生雲煙
沙虛韻事賸縑素使我欲擢邗江船江南江北一登眺
疏林遠樹餘清妍舊題況有吳祭酒好詩字字驪珠圓
輒紅塵中嘆蓬轉歸夢早落楓橋邊殘書破硯聊作伴
眼眵髮短空自憐近患目疾博士瘦羊未可得那更一嚮供
吳健如君姿制足英爽著鞭爭看驂驅先阮狂嵇嬾愼

引學怒者方欲奮老拳濟南名勝我曾覽明湖湖水流
涓涓腳蹣手版從吏隱娛親且可儻一椽他時笠屐許
相訪展卷重投山水綠

題陳小鐵元祿受硯圖

憶昔棗硯游幕府與文讌瞻園風日佳情好比親串酒
酣筆縱橫獨數金閨彥

尊甫鐵橋前輩

三十五載過光陰謝飛

電喬木故蒼然人事幾遷變君承崇構基卅角詞華擅
紅絲捧范喬寶貴同紀甌謂當步青雲英英臺閣選無
端乾蔭傾風木哀思纏家食計維艱一官就曹掾雖然
手版持青瑣時戀戀祖研亦已亾撫膺涕如霰男兒志

功名要以事爲見能讀河渠書亦勝毛孔傳君官北河勉旗
繼家聲行有大吏薦

濟南太守陶吟筠慶增輓詩

中祕深嚴地君真第一流優華捧鏐笏聲望冠瀛洲直
院騎銀杏詞箋詠石榴昨經玉河畔蟬柳似殘秋

使者乘槎日秋風西子湖己亥典試浙江評量歸玉尺襟抱想

冰壺落落鴈鴻侶森森桃李株修文竟何所千里感黃

壚

爲政傳山左能消赤白丸君以研鞫盜案加道銜救時才不易作

郡事都難話舊曾攜酒憑高共倚闌葭移回首處鄰笛

最辛酸

去夏卓薦入都同人邀集城南龍樹寺

猶聞絲悵語淒絕動心脾有母黃泉見偏親白髮悲於君
今正奉母夫人諱臨終口占一聯云死而有知地下歸
慈親欣聚首生所難舍暮年老父獨傷心可哀也已
程隔江水計日送靈輜忠孝君無忝蒿歌一涕淚

題周荳珊運同

曾毓

藥草山房卷子

金門早歲點朝班惜我來遲未往還勝似江州白司馬

十年飽看太行山

君先後官澤州郡丞

官舍思親夢五湖得歸未許戀尊鱸家居最好陶貞白

特與臨撫待詔圖

此卷爲陶潤山背摹文待詔本

荳珊見貽詩刻卽題奉贈並送之官粵東用集中

量移自述一首原韻

脫手新篇錦繡如秋庭坐擁一龕書

集中秋庭晚桂歌有一龕書史觀其

句官移鹽筴才應展夢繞煙蘿痼未除畢竟頭銜異司

馬君由郡丞推升運同故云早知心跡在懸魚買山豈必錢千萬何

日鱸鄉共卜居

六月十二日起園上封事有述

新闢三間直舍東

都察院朝房內東首新葺屋三楹爲科道公所奏事者宿焉亂蟬

聲急晚嘶風五更樹色微茫裏纔有宮門一點紅黃初

三刻開宮門前一刻點燭

欲上雲霄倦羽停姓名還記第三廳不曾相見初相語

天上今宵識使星

出敬堂鴻臚典試江西謝恩宮門相值坐話兩刻許

寄題徐月坡東崦草堂圖次陸子範太守韻

有序

東崦草堂者在吳郡泊西光福里明季徐高士鏡湖先生之故居其裔孫月坡葺而新之以爲讀書所叢東錢溥繪圖張詩舲方伯爲之記錢伯瑜中丞陸子範太守俱有詩刻石

香海破春山鳥啼千樹寒壓梅花低

戊辰年與公友瞿夢香同游鄧尉

歸來翦鐙續詩夢對面城堞環皞溪

時居葑門

天涯芳草年

年綠思花彈作離鸞曲鄉心直過虎山橋桑下何時偕

三宿

詩老柴扉鶴能守林亭如出倪迂手二百年前舊草堂

畫裏分明見山牖幾輩詞人打槩來波鱗灩灩銀尊開

士衡平子吾都識管領湖山要異才

月坡接漁洋故事以法華屬詩貽西

碩屬子輓

王瓜豆莢霜兔糞天橋酒樓飛月朧蹉跎京宦百無就

一笑怕倒孩兒紉手拍銅斗歌且舞況有君爲東道主

叢殘金石搜無遺輸與道園能學古

月坡輯有光福志

青山如夢笛聲裏記得山光照蓬底朱沈銷沈蔣詡亾

芝焚蕙歎從茲始

舊日同游如西生閨生士美澹懷俱作古人矣

秋宵讀畫漏

沈沈千里情移海上琴料應睂頭一寸皺滿野聽徧哀

鴻音

吳下水
災甚重

中元日悼定兒作

七月日戊戌晨光方熹微傷哉定兒死遇閏未及暮兒
相頗秀出蘭玉蘊其姿我抱撫我肩我飯捧我頤兩姊
鍾愛汝朝夕不汝離有時馱姊背遶屋走且馳蘋婆檳
子梨兩手漸能持夜啼絕不聞牀頭自娛嬉脫手學行
步阿姊攙扶之偶然見生客逡巡卻糖餚見爺索爺抱
對面弄爺髭傷哉不數日一病竟不治夭折自有數或
者無良醫埋汝南下窪月黑風慘悽好物不堅牢因復
念科兒

科兒以戊子生最
聰慧三歲而殤

回頭二十年往事猶堪悲吾

衰亦已甚夙夜忝所司東南成澤國滿目皆瘡痍赤子

哀何辜誰拯溺與飢念我松柏壠欲歸歸無期

五月間雙橋墳

瑩被

百憂料難屏何用摧心脾今宵孟蘭會老淚又一

揮

哭王漢槎

熙源

二首

抑塞何曾斫唾壺前年商略賦驪駒

丁未君報罷後館祝氏以家事見商

遂決

歸計蓬瀛地位才都有苜蓿盤殮命亦無

甫選婁縣教諭君已不及

知日記定應畱墨蹟

日記作楷書敘事極詳

鄉書容易感黃墟

前月

得聞生捐

館之信 劬勞往事從頭想畢竟難酬返哺烏

君少孤每述及

母夫人撫養之苦

蕭條家計何須問，況此茫茫澤國秋。
冷宦也添身後累，

熱腸肯向死前休。

聞君病中尚爲友人經紀喪事

清尊寥落蛩三徑，黃

閣巍峩貉一邱。宮樹婆娑有嘉蔭，盼伊雛鳳鳳池頭。

君在

京充

咸安宮教習

三載令予已入庠

七月十九日科垣直宿

夜宿端門裏，觚棱月未升。煙低

宮禁樹風穩，直廊鐙

職掌叨封駁，論思窺寢興。披衣看北斗，雙闕峙崢嶸。

砌蛩

砌蛩併檐鐵，攬入五更心。但覺暑初退，不知秋已深。
嬌兒骨塵土，病妾口呻吟。人事那能謝，還看華髮侵。

秋夜

纖雲不動火西流銀漢迢迢隔女牛纔覺微涼生枕簟
秋分天氣似新秋

巡察棘牆口占二絕

騶唱聲中漏點遲行行驄馬轡如絲低頭矮屋聽來慣
夜靜三條燭炮時

露已漉漉月似銀明時坊角淨無塵臺儀一笑同知雜
輪與風簾第策人

站礮由外監試
入闈分校故云

己酉中秋夕作

一規冰鏡隻當頭定有神仙住玉樓今夜桂花香最近

棘牆牆外過中秋

首善書院遺址

楊左登朝日鄒馮挽世心事皆矯中旨禍已肇東林講
舍今何許殘碑不可尋泰西堂亦廢荒樹暮煙沈

題王少摩

楨

日華瓢拓本卽以贈行

故里巢痕埽相思二十年

君在吳門時
曾館予家

欲傾燕市酒已

過菊花天風雪催雙騎

君與馬刺
史同行

關河老一編空餘懷

古意珍重日華瓢

盆花四種賦以寫懷

垂簾晝靜幾婆娑殘臘光陰五九過富貴因人羞附火

牡丹容華絕世想凌波水仙別來舊院春痕減白桃花夢入空

山雪意多梅輸與萼絲風味好年年歸計恨蹉跎

梁耐軒同年歸養粵東賦詩畱別卽次原韻

身世原同不繫舟重來燕市典鵝裘暫容放曠辭青瑣
卻喜團圓慰白頭枕蓆一編推馬鄭蓬蒿三徑有羊求
初衣若遂平生志也作雲山汗漫游

李貞婦詩

夫家張女氏李字士琛已納徵凶問來矢以歿許之歸
蹶然起自入門奉甘旨撫小郎舅姑喜姑先亾盡哀毀
家不造運多否操井臼治絲枲孝厥翁勝男子楚江深

波瀾瀾疾風吹貫蘭芷紀端操有形史孰詩之前史氏

庚戌春闈分校得二絕句

風簾官燭漏遲遲文字因緣不可知漫說新陰有桃李

五年前賦海棠詩

甲辰考差試帖詩爲人傳誦故乙巳有三月六日病中詠西院海棠之作

好聽霓裳詠猗仙朋簪添結一重緣扇頭大半書前輩

廿載何曾住木天

卓海帆相國見示次王衷白先生聚奎堂書壁原

韻二首命和

啟沃重叨

主眷深

宸題手捧日華臨孤寒早仰人倫鑒造就都歸著作林
星斗乍高天誅蕩魚龍欲化氣森沈長教環顙傳衣鉢

一樣金鍼度世心

長君鶴溪太史同拜分校之

命

魚鑰重重夜未深奎垣初見月高臨意中詩爲題蘭幅
星齋學士畫蘭眼底人看到杏林廿載蓬瀛虛想望一
索題尚未得句

般鐙燭判升沈春風幸侍三公坐雪碗冰甌共此心

閣中題潘星齋學士

曾瑩

衡山畫境圖

滇黔山險巖君有畱題詩此幀隻幽絕仙境通趾離老
鶴唳清霜上有百尺枝危亭結層翠澄月窺方池衡山
倘可作墨痕化淪漪寂寂孤燭光渺渺千里思起眎白

石階荇藻空紛披翳余滯京輦
劇藥無歸期楞伽悅在
眼蘿荔春風吹胸中幾邱壑
煩君皴麻皮

題孔經之

憲庚

顧祠雅集圖卽送歸山左

君家伯仲文中虎長安共話聯牀雨

謂繡山令兄

羣鶯亂飛

柳絲舞記得江南買雙舫陳編埋頭苦點註拔十母乃

遺其五

君舉拔萃科都試被放

西陂南池在庭戶歸去且作湖山

主亭林先生有祠宇春秋神弦酌清醑舊雨今雨來可
數可惜搏沙不能聚毫端粲粲筆花吐畱與詩篇足千
古岱宗山色徧齊魯目送歸鴻撫平莽

題同年陸稼堂京兆

應穀

南湖垂釣圖

曇雲閣詩集

卷八

九

讀聖賢書中有我仕耶隱耶無不可銷夏灣頭理釣緡
廿年前是蘆中人長安同醉旗亭酒瀛海輪君釣鼉手
風生臺閣肅霜威一麾去作雲中守晉祠汾水幾畱連
玉麟符下來朝天邊延風化百城表枹鼓不鳴有
京兆從容官閣坐談詩劇有江天浩蕩思于今世事多
艱迫且與朝廷爲柱石北闕長叨
聖主恩東山莫謝蒼生責煙波淼淼草堂開待得功成
歸去來碧雞夜叫珊瑚樹檢點簪簪買漁具我亦當初
作禹公夢魂相逐南湖去

讀鮎埼亭詩集

多半傳忠節琅琅發古音江湖小隱日猿鶴大招心甬
上有遺獻粵中餘病吟斯人不可作寒月照余襟

送沈北堂南歸

歸去胡爲者倉皇竟若茲同心樹護草垂涕對荆枝鐙
燭一年聚馱鈴千里馳可憐人海裏事事太昌披

辛亥仲春九日直宿吏垣讀南豐吳雲衣先生筠

瀾詩艸同年補之學士曾王父也卽用集中原

韻題石門詩意圖石門山在建始縣

行半天下按諸巖妍比西子媿無鹽滇黔山童粵山削

草木不使畱髭鬚

丙寅自滇
由粵歸里

石門境乃闢荒險靈氣呼

吸通幽潛使君天倪得山靜爲問疾苦勞停驂空青谿

初鍾乳滴亭勝底用誇漪嵐

富鄭公有
漪嵐亭

五步十步詫奇

絕

原詩有五步十
步出坎壈之句

到此快欲呼蘇髯

先生有和蘇集及
蘇門侍立圖詩

連珠積玉

二山在
施南郡

漫比較不負佳句添吟陘振文絕頂

見村落杏花香處風吹帘直下荆門走巫峽橫空彷彿

長眉纖浮屠之宮始何代民力那可供雕鑱文翁石室

有圖像何不位置開書龕卓哉令尹竟遷謫逢迎長官

人所語

原注陳撫軍言春初過此見佛像欲創招提余
對曰縣令他務未遑先作此無益之費恐非所

以仰承
德意也

音微邈矣詩卷在起眎星斗觚稜銜

七古一篇奉題鳧香前輩七十九歲小像

七十九翁拜太常矍鑠乃爾神明彊

天子垂詢重耆舊清卿奉職勤趨蹌瓊琚玉佩煥光采

絜粢旨酒羅芬芳和聲鳴盛一品集紀元元日欣賡颺

先生有辛亥元日詩四首當初詞館富文藻上殿獻賦誇長楊柯亭

劉井劇風雅花甌緩步晷影量忽然妖星墮宮闕羽林

環列森刀槍平頭奮起障兩袖淋漓血指仆且僵鉅人

傾德神所佑扶持正氣開天閭有詔褒嘉白金賚

國史家乘千秋光謂癸酉九月十五日林逆犯闕事儒宗報國在經濟

先看五政行畿畧禁除宵小息枹鼓巡視溝洫周隄防

里閭于于繡綉樂村路鬱鬱桑麻香監司陳臬懋乃績

維萊有柏召有棠升沈宦海本無定言歸京輦還相伴
我時秋曹判案牘選日痛飲蒲萄觴獼猴土牛同寄慨
西山挂笏天蒼涼謝公未許嫪絲竹江波淦淦吹帆檣
賓從追歡懷白傅詩篇紀勝畱黃岡繡衣來朝

眷逾渥使車至晉至豫章宿姦老蠹費投剔繭絲保障
增彷徨

帝爲重臣惜筋力近捧日月依嚴廊咨汝秩宗典禮樂
兩朝知遇恩難償扶輿磅礴得天厚思樂何必尊鱸鄉
重蒸毒氣徧桂海蠶爾羣醜徒鴟張老謀深識足可用
甲兵小范胸中藏吾知天意殆有屬畱與盛世爲棟

梁

兩節母詩爲王勉齋觀察

師道作

亭亭新甫柏鬱鬱徂徠松蟠株森百仞扶輿之所鍾綦
縞秉貞懿兩世爲女宗早年悲寡鵠九原矢相從姑老
子藐弱百事填膺胸強起躬并日內政見肅雍閭中經
史訓堂上甘旨供餽餽蠲吉日兆域營崇封施蘿情勿
替維桑誼必恭婦本學于姑後先表芳蹤乃知後彫質
慘淡經三冬冰霜共閱歷太和睟其容交輝榮綽楔
稠恩拜
九重德門後必昌令器珍璜琮聲華重京
輦風俗觀巴邛宏茲錫類仁孚惠及士農苦節一而再

緬懷戚無悰我曾職太史奉揚昭管彤

克華廷侍讀出黃恕陔太史門下太史爲汪嘯龔
給諫典試湖南所取士辛亥同校秋闈余監試
內簾作詩以紀卽書華廷扇頭

淵源溯三葉賈董世齊誇怪底月輪滿都開四照花

秋闈監試少農翁遂盒前輩以詩見贈卽次原韻

三首

論文今喜見韓蘇座上鈞天聽得無鐙燭一堂星斗粲
此身也傍列仙圖

三條燭下操觚士六律鏗鏘也自調悅惚指頭靈氣在

賞音獨有李文饒

儘有珊瑚鐵網收風簾曾記拭雙眸

庚戌分校禮闈

煎茶不分

聯高唱幾度宣南瑁璫秋

予三應京兆試故云

附錄原作

常熟

翁心存

遂盦

最難監試得髯蘇直道清辭蓋代無欲乞邗江汪

太史

醇卿

潑藍爲寫歲寒圖

與君共識煎茶意面目森然活火調祇見魏徵殊
斌媚不論汲黯與寬饒

山色湖光望裏收憑將雲水洗雙眸卅年不到秦
淮岸忽憶江南八月秋

附錄和作

儀徵

汪廷儒

醕卿

文壇健將屬姑蘇
柏府高風枉道無

天子賜題臣盡職
正心當日有良圖

曾訪獲妖言巨案今科孟

藝題
適合

卅日文闈欣共事
一枝彩筆羨親調
考官校閱辛勤甚
不待催詩苦舌饒

工師巨眼杞枿收
小匠搜材敢倦眸
幾日撤闈同一笑
月明剛屆閏中秋

遂盦前輩有用壁間韻之作書諸扇頭依韻奉和
鑪火功夫判淺深
通才誰是馬端臨
廿年衡鑑歸公望

七字詩篇壓士林
劍氣欲騰星北向
燭光未地月西沈
不須催較煩監試
立鵠門前識此心

閩中卽事三首

微雨經番釀夕陰
空堂秋氣漸蕭森
焦桐自有中郎賞

不負羣公考較心

陳琴山給諫徐亦才太史校閱次場俱有淵博沈麗之作

官府日日散雞豚
小吏傳呼隔一門
笑我三旬來聽鼓

開門時至

斜廊添得藥鑪溫

小病數日亦才爲診視

江樓山郭憶眞州

依然山郭與江樓王漁洋眞州句

爲我拈豪畫扇頭

謂蘭卿太史

買得團臍就黃菊
回家先作

去聲閩中秋

題黃蔭亭別駕

世恩

師圃軒圖

昔有灌陰爰抱甕歷寒暑純白息機心
枯槁羞仰俯
齡姿甘煙曖
睂龐而首杼別駕官河壩
腳鞢不遑處
方期事畚缶
行看耀簪組
獨抱澹定懷
逸興渺煙渚
家居在當湖
結想釣游侶
構軒廳事西
花竹環小墅
豆棚絡秋藤
青蟲絲半吐
寒香飽葵菰
清氣入肺腑
新雨茗話開
古月琴心仁
汜勝書可讀
河渠志容補
祿隱致足佳
逍遙以容與
便爲河上公
不作庚桑楚
百年駒過隙
柔翰足千古
胡爲蓬累行
穴鼠銜雙鉞
京輦憚栖屑
雙鞅絆塵土
幾時遂
初衣吾亦師
老圃

宋比玉雙江欲雪圖爲葉潤臣舍人題

按比玉名珏自號荔

枝仙蒲田人前明太
學生工詩擅書畫

淦淦江流葉葉蒲至今水墨未模黏膠塘一種荒泉景

絕勝南疑林屋圖

王補雲爲沈南疑寫
林屋圖竹垞有詩

遺獻還須問石林收藏圖笈幾沈吟

舍人博學富收藏
是卷爲新購得者

絳雲樓燼檀園廢斲零縑未易尋

比玉與牧齋泡菴
交好過槎上輒信

宿檀園見列

朝詩集小傳

舟行都看荔枝仙小泊閘門記昔年似我長安風雪裏

幾曾詩老遇松圓

周小農明府

其慈

赴粵西軍中有詩紀別次韻二

首

干將出匣有龍聲火急戎裝又遠行莫恃兵威輕小醜
要憑眾志作長城銀屏山外風光換鈷鉤潭邊月色明
早晚軍書傳露布盡銷鋒鏑事春耕

春寒釀雪太蕭森得句真同出塞吟伏櫪要存千里志
辭家難了五湖心長亭柳色先催別小閣棠陰尚許尋
桂林府治有棠陰閣今夜直廊燒短燭自慙老大負朝簪和詩之夕直宿

門人李鐵帆孝廉果泰自天津餉石首魚走筆以

報

尺書鄭重到京城七十二沾春水生臥虎早看騰上氣

灰戊 饋魚深感遠來情已呼紅友朝開釀漸聽黃花市

有聲回首鱸鱖溪畔路紙鳶風小柳絲輕

題潘四奉常曾瑋蝶緣圖畫冊

仙蝶吾曾見逡巡卻又飛紙窗畱夕藥榆院趁朝暉翅

影餘黃膩衣痕暈墨圍知渠能幻化遽夢是耶非兩年前有

蝶飛來老黃色翅無粉四足家人云是仙蝶也經宿而去予寓居東院中有榆樹一株

去年鎖闥裏傳說影蹁躑各占東頭屋疑來上界仙庚戌

春闈分校予居會經堂東牖前有見仙公卿都有兆人

蝶自東檐下過者是科膀首出于門下云人仙蝶來翰墨豈無緣忽作羅浮想披圖意邈然

玉河聽蟬圖王子梅寄朝鮮李萬船作爲題三絕

句

江清鳴綠喜朝天把酒曾畱翰墨綠誰在暮蟬聲裏住
玉河柳色自年年

抑塞王郎百感生單車又作大梁行飛鴻併入哀蟬響
一曲能移海上情

琴尊圖裏寫簪裾記得吟壇染翰初平子多時消息斷
料應悔食武昌魚

謂仲遠

題同年汪嘯盦給諫

元方

小像

自爲同歲生昔者見時少南還賦循陔養志事已了遲
遲出岫雲西湖恣吟眺買舟五羊城清夢羅浮繞竭來

喜同官興至酌清醪舊游話柯亭夙望重瀛島腰腳我
已衰須鬢君猶好西南起塵氛櫬槍恨未埽師行縱以
律所過易騷擾黃門有直聲中夜焚諫草近事直廊襍被
眠起眎星月皎考差前夕同宿科垣殿前聲摩空文雄墨酣飽行
復送輶車歸寫皇華橐

題孔繡山舍人憲彝

韓齋雅集圖卽次原韻

人事多別黷誰能適其適宣南屋幾遷官居如作客臭
味得君同縱談剖堅白言發用未售世方笑懷璧鳳池
且迴翔光陰足可惜去冬集韓齋醉顏敵風雪睠茲忘
年交耐久神以憚謂鼻香前輩田園未荒蕪歸去有彭澤謂

山前砌花影娟娟林樹響策策舊雨幾人來邈若山河
隔好開櫻筍廚過從使晨夕

題顏忠烈印冊

鬱攸光中府門閉常山平原後先繼昆池灰燼燭龍潛
不灰乾坤留正氣螭文龜紐安足論晶章四字千秋珍
江亭思古鬱懷抱極目西山空翠痕冊爲孔繡山舍人所藏江亭鵬客時
攜以相示
並屬題句

有明貂璫威饒張納印而去氣慨慷老兵伏地驚且拜
男兒七尺軀堂堂摩抄手澤光采異神物呵護未教棄
文山之研夢山琴更有趙公鐵如意

丁南羽十八應真畫冊爲王琴仙侍御

本梧題

天台山中五百人具大知識爲應真武林佛刹仰

天藻十種圓成形相好當時畫手李與崔天王渡海真

奇哉

李昇崔白俱有天王渡海圖見宣和畫譜

莊嚴寺門總持壁道子楞伽

相匹敵模黏苔紙瑞像畱能事何必輸貫休鐵綫圈法

見南羽豹方十六未可語

汪鈍翁有題梅豹方十六羅漢畫冊詩見曝書亭集注

侍御得之珍璆琳低睂先證菩薩心鋸義木義問誰解

應運而生有神獬

題椒山先生諫草冊

有明三百年卓哉公一箇碎身所不惜權奸膽應破五

姦十大罪遺草至今播元后攬朝綱同心在輔佐一事
可壅蔽百政盡摧挫古今事一轍讀之涕交墮煌煌諫
草亭元氣爲噓呵笑彼鈴山堂醜迹萬人唾誰能挽狂
瀾塵起見堀堦我悲從中來天高眾星大

吳孝子詩爲次平侍御若準尊人作

胥山峯岩岩當湖水瀾瀾綽楔瞻崇祠芳馨薦蘋芷華
胄溯延陵家世承蘭綺尚書勤治河清節照閭里孝子
蘊天才出語驚恢慨同時彭翰林謂遠峯編修參同悟宗旨

長齋屏物緣土芥視金紫孝子篤天性閔曾勿忘跼吁
嗟喪所生弱齡見哀毀母也鞠育之恩勤罔與比母疾

未沈憐兒憂切如痕晨昏奉起居書諸方寸紙身代顙
蒼穹焚香望空跪風酸烏夜啼母病竟不起母在兒有
依母亾兒何恃嘔血血盈升迴顧語阿姊兒父官京朝
白頭瘁以仕勸父勿思兒嗚呼兒已矣此語不堪聞此
痛那能已孝子年十九作傳者舅氏羣公墨淋漓一一
具銘諫下以光家乘上以采國史我亦悲鮮民久抱餅
罍恥西臺忝同官風義推直指堂堂御史驄孝子今有
子

題王耘軒比部

憲成

商彝圖

我生不識鼎與彝無論盃鍤瓠罍匪韻石齋談集古錄

偶志其目遺其辭喜從圖繪見法物得於紙上摩挲之

漢陽

葉東卿封公

大興

劉寬夫前輩

精鑒別隻字攷證無然疑翁

房張

寶樓許菊

富才藻濡染大筆何淋漓五光十色

粲滿幅讀者汗流神愕貽從來物必聚所好歐公有言

不我欺耘耨嗜古博搜訪到處金石施瓊椎忽然星芒

燭爛土彝也乃出自偃師茗香堂中設清供雷紋駁落

春苔滋君今讀律官曹司據案兀兀文書披彝乎彝乎

作君伴宵然深結千秋思因思有商六百禩駿厲嚴肅

開厥基先罰後賞彰撻伐三遷播告泯怨咨功成祭廟

頌聲作彝乎得毋同其時卽今時事亦孔棘太白睽睽

西南陲蒼鵠青犢徧郊野戈鋌滿目多瘡痍宣房未告
瓠子塞葦埽竹落勤胼胝置身朝廊抄籌策搔首乾坤
一涕洟君其努力供驅馳綰符大郡看一麾勿貪圭卣
膺寵錫要使俎豆還淳熙三代之物猶得見三代之治
安可追烏虜三代之治安可追

題程序伯

廷鷺

畫山樓圖

庚寅仲秋月同游紀四人

予與序伯酉生閨生四人

支硎快登陟好

風吹我巾歸舟月滿天胥江水粼粼惜未買東絹惹惹
妙手皴一別廿餘載墜歡渺前塵朱沈已宿草佳士悲
沈淪遺縑蝕蟬螽殘碣薶荆榛君才擅三絕才富家益

貧攬鏡見華顛備書歎逡巡倪迂癖猶在磬頭寫嶙峋
令子喜克肖家學日以振謂稚蘅懷哉見古閣日與先賢
親長安居一載晷茲席上珍相見問起居契闊何由申
臺垣竊微祿日月馳騰輪何當歸五湖生計付釣緇訪
君畫山樓重結文字因長纔手同把瑤草空山春

程稚蘅上舍

祖慶

見示練川名人畫象冊二卷并

以見古閣圖屬題閣之建以藏畫象也爲賦五

律二首

石室規模在予今有練川風雲壯高閣睂宇識先賢殘

劫消燐火

卷中多前代忠節士

遺閨賸蠹繡憐君懷舊意蒐輯已

多年

不少文章彥長留月旦評世推七才子里重四先生薊

北欣簪盞

君于去歲至京師

山陽槍笛聲

冊中錢叔美毛生甫陳雲伯諸君皆予交

好滄浪亭一角祠宇竝崢嶸

吾蘇滄浪亭建有五百名賢祠

題符南樵孝廉

葆森

匡廬雨望圖

識得匡廬面目真漫天風浪倚船脣雲中五老如相遇何必空山著此身

萬里歸來興未闌胸中五嶽見應難郵程不抵篷窗好

細雨尖風宿泰安

壬辰秋假歸經泰安欲登岱嶽雨阻不果

年年鄉思動蘊鱸何日扁舟到五湖除卻輭紅塵十丈

聽風聽雨夢都無

重宴鹿鳴詩和太傅芝軒相國師原韻四首

萃鹿詩篇一再吟果然腹內有三壬銀袍連日逢關宴

謂公孫伯寅探花

丹詔從天降

德音京國沙隄春暖暖家園榆屋晝

陰陰

里第有蔭榆書屋

上林爛漫花如許不數當年董奉林

牛耳文壇夙主盟

四朝知遇受殊榮傳經自有鏗鏘譽秉軸宜無赫赫名

門外車輪蒲未裏

師有南歸之意

階前書帶草長繁新詩裁就

焚香讀一片宮商是正聲

桐有孫枝杏有仁簪花又占第三人傾心早共知裴度
裂眼何容比許詢桂樹婆娑九霄月蓬山圍合一家春
眾仙同按霓裳譜獨聽鈞韶拜

紫宸

長物猶存子敬瓊滇池浙水幾多年杏園開歲迎白席

菊部今番與綺筵

前月廿九日
召飲觀劇

回想雲山成舊蹟

幼客
滇中

師時爲
學使者須知衣鉢有前緣秋來同聽饒歌唱喜近重陽
造脇天

病中雜遣二十首

遺十五首

戊削枝頭少女風好秋都付病魔中算來那有三公命

幾作人間折臂翁

當窗一縷篆煙清
枯坐能教百感生
門外秋蛩三兩箇
鐙宵添得苦吟聲

閉門生客少經過
幾處人家有薤歌
墨字粉牌書不盡
赴音還比藥方多

柏臺風峭夜霜知
北斗闌干有所思
莫道病聞新事少
下五字童

二樹句

幾番呼酒爲袁絲

蕭娘呂姥定何如
月裏蝦蟇恨未除
枉費黃金千萬兩
消他盾鼻幾行書

雲間詩集卷八終

雲雲閣詩附錄卷一

古體詩

吳縣 曹楙堅 良甫

合江

隆冬水漸涸頑石勢不讓兒孫率羅列遠作拱揖狀錯
落排晨星森嚴列曉仗大山宮小山環抱樹營帳中央
一巨石意象足驕亢相爲犄角勢兀與水爭抗軒然大
波來偏師忽相向迴流乍一轉羣又扼其吭水怒激如
箭砰湃蹴高浪三舍不肯避氣欲奪層嶂嗟哉水與石
萬古兩無恙作詩記眼前予懷渺清曠

牟珠洞

萬里到滇黔游興差未解耳目恣幽討山水各分派昨
過平珠洞曠絕異塵界溪石激潄浚林風播清快厓罅
滴鍾乳一一珠旒挂幽鳥或難到白雲常不壞疑有仙
者居洞寬日月隘天然石作臺丹藥可時曬柰何奉佛
像此事吁可怪穿鑿到巖竅布置類廳廡譬之衛玠姿
無端著癰疥俗人喜雕琢朽木苦囚械誰能具婆心一
喝振聾噴

寄瞿三

紹堅

久與瞿君別相思日已殷百里消息斷日暮愁停雲停
雲不可卽飛鳥投無言念子苦病肺咳唾常盈盆治疾

如治水務當疏其源治疾如治草務當芟其根谷神永
不死精氣充元門賤子窮途客守身慮觸藩方坐管甯
榻弗窺董生園忽逢大小鬼旦夕心魂魂困逾鷹在韝
匿若蝨處禪陰陽互剝復冰炭爭涼溫醫手退無術難
比肱熊蹯我欲請巫彭夢中叩帝閭巫彭招不到天門
豺虎蹲支枕還太息我生多遭屯一病消百殃豈非天
之恩曠然野色開一掃陰霾昏兀據文案中書君尚
存藥石流肺腑化作筆墨痕一吐鬱勃氣千里黃河奔
遐心屬霄漢舉翮辭籠樊與子訪王母赤足游崑崙

擬古

驚飈無靜柯寒暑馳北陸所惜蘭蕙姿微馨委幽谷就
陰迹已絕人生何蹙蹙撫琴操離鸞哀絃不成曲浮萍
聚芳沚女蘿託樛木中道忽自傷誰能相結束

十月二十八日夜對雪柬程大鎔

造物弄陰機玉蕊舞一霎初疑鉛流汞旋喜月生峽清
響破漏籤寒光照簾押始覺瑤臺寬翻知瀛海狹元英
律暗移青女威已憚仙人愛游戲撒手消碁劫三千水
岸軍白衣鬪兵法峭石生鋒棱枯枝偃鱗甲建瓴俄屢
屢填阬失宸圖瀏瀏動劒器皎潔開鏡匣凍漸凝去聲漣
漪土膏融溥洽老農笑嚇嚇春鉏利鋤鉀僵坐守青氈

嚴威欺白袷灰擁鑪燄微影搖燭花怯出手苦皸瘃就
榻少勦貽念茲寸鐵腸惟有酒能壓悵焉懷素交把醺
愁獨呷我窮類郊島君才敵曹鄴揭來成懶廢怕弄舉
子業聲名笑鼠肝歲月熟羊胛兩載託苔岑片紙當盟
畝相逢記長安解夏尚搖箑離襟一別乍輪指百旬恰

七月十八別君
於宛平官舍

欲乘訪戴船便整膩顏恰束身處籠樊

舉步先躡躅每迴阮籍車難荷劉伶鍤故鄉豈不好美
酒釀清雪放蕩作山行梅花滿頭插韭菰恣腹飽橘柚
容爪掐河豚比江瑤白蚶勝紫蚶一朝厭襍穢眾口競
呿嚙夫豈鷹脫鞴乃似虎入柙世途走險巇吾輩例窮

乏鮑邛河潺湲聖水山岌業髡免臥靈岫伏龍抱寒硤
兔兒山龍潭俱在三河境內相期踏峻嶒毋憂渡浹溼袁安戶未掩
謝傅屨應拔但尋東郭游莫妒紅裙狎沆瀣餐石髓斧
斤鑿山脅平林耀璀璨虛谷靜鏗藹村深嘒竹雞樹古
集鶉鳩倘逢古先生低眉參梵夾天花證涅槃一笑目
微眨

寄呈李石農觀察

鑿宣

五首

威鳳凌九霄翫鳥欣攀附喬松挺勁姿女蘿託根固公
爲第一流聞風胥景慕元龍見何遜仲舉識徐孺平生
知己恩黃金良可鑄朝野覩羽儀音塵隔邊戍終起

北平將甯老長沙傅寒士大開顏鬱勃一朝吐琳琅重
詩蹟久久碧紗護祇今遊子魂猶繞黔山路

先生曾于途中見示

黔山雜
吟詩

戊辰歲二月輕舸遊錢塘相逢者誰人實公舊紀綱再
拜問消息慷慨激中腸孤誠貫日星大漠兼風霜毳衣
少珍裘玉粒無贏糧我聞翟公門賓散羅可張況乃扈
養輩犇走如星忙嘉哉君實僕義不輸段章他年作畱
後意氣始揚揚患難不相棄富貴甯相忘

通州畿輔區高城儼如鐵飛芻歲百萬東西倉竝設公
時屈郎官襍被分金節其喜福星來鮮于真人傑天

廚進黃糧

帝用嘉乃烈中條資保障河流導曲折

戎帳擁貔貅春陰茂庭樾儒雅推平津知公所弗屑蒼

生仰霖雨此意在稷契庶幾慰南人萬里授麾鉞

先生舊乘

中泉演

作詩務雕刻詞工體則卑陋彼時世妝何由別妍媸惟

公崇大雅卓然正始遺千言甯屑賦一斑早容窺大聲

發鐘鏞全力蟠蛟螭走也婉弗敏吟詠費苦思少小蒙

激獎喜若餐肉芝吾鄉王先生其狂不可師

謂鐵夫典簿公

意獨愛才逢人說項斯何當求法眼勿令畱纖疵

蘇卿再上書劉政未入閣醉髮簡蓬茄緇塵染京洛誰

謂阮元瑜書記致足樂懷刺久漫滅侯門怕趨卻何從
枉瑤華開緘費忖度忘年復忘分于我真不薄況未識
荊州舊雨情先著物望比登龍高誼勝薦鶚聲華越霄
壤爾連緬今昨好看華山來煩公捲珠箔

枕上口占

兒在襁褓中我已離故鄉今年交六歲婉變可扶牀乃
我夢見之依然手中將物情泥所見至理甯難詳譬諸
人在世不自惜流光一朝攬明鏡兩鬢生秋霜

送舒大

應鴻

用蘇集除夜贈段屯田韻

傾壺斟別觴夜漏聽將半離思感懷抱執手起三歎少

小薄功名此事竟難玩回頭見鴻鵠舉翼各雲散伊子
滯京華舍子莫爲伴眼昏作細字呬唔每達旦我無三
篋書君書堆我案一一考疑難治絲斬其亂說詩真解
頤杯水不容盟疾風吹征蓬君行不可緩大弔猶在壁
輔正革能貫眼前少勁敵誰歟激辱懦俗好同酸鹹高
情易冰炭好逢賢地主喜氣溢賓館三年著緼袍始見
狐貂暖送君歌陽春馬上玉璫粲

題宋于廷學博

翔鳳

蒲團圖

是身墮閻浮冥然百無可去來彈指間面目偶存我十
年妻法喜了此念亦頗天放不可羈自在脫韁鎖西來

古先生低眉說因果
飈輪轉大地佛劫
滅星火請君如是
觀蒲團坐則坐

題人問薪圖

眾中拈一花微笑得元旨
如何是西來庭前柏樹子
諦觀試聰明面赤顙有泚
風旛寂不動毛端一滴水
廓然空形相那識吾與汝
朝拾深山中暮拾深山裏
遇薪卽見薪本無薪可指
欲知答者誰卽此問者是

題俞五

昌鑑

捧日圖卽送之官湖南

癸亥寫是圖十有九年矣
猶然抱陳編甘作巖穴士
君家伯仲間席上皆杞梓
過江耳君名一朝欣覲止
辨裝

錢無多學優乃可仕板題劉孺才振纓從此始君山高

我我湘水清瀾瀾吏隱亦復佳伏處何爲爾北望春明

門余亦戒行李

時將北上

贈許季青

乃椿

卽題其詩集後

呼權來維揚暫侑僧寮宿舊雨忽逢君吟聲出幽屋示
我一卷詩不厭十回讀疏鐘流夕陰落花眷春木美人
抱瓊思雙蛾暈愁綠同此遲暮悲掩抑短歌續隔幌吹
蘿煙琴心渺黃鵠

題高省存舍人

筠

懺經圖

君病瞽已十載

虛妄本非因明觸生眼識大闇無所見焦腑滿一室云

何獲圓通非空亦非色佛以眼施人在犍陀衛國更聞
阿羅漢不眠雙目失冥觀洞十方循元斯第一君乃脫
見坑具大勇猛力聞熏入三摩廝提破十習無見卽涅
槃迴向心覓得忽發妙寶光明生緣淨極笑我蔑戾車
開眼如睹黑從君悟根塵誦八百功德當知眼惟八百功德見楞嚴經
長歌呈梧岡從叔

秋花不與春花同可憐顛顚誰爲容不見青青江上之
夫容漪歟吾叔文章宗風檣陣馬摧筆鋒吟詩卻怪號
陰蟲一語實足振頑聾叔每規余詩多秋聲嗟余偃偃竟曷從古
人言之昌黎公窮者工詩理或通平生蹤跡等飛蓬南

游溟熨束番禺豈無山水開心胸愁城百尺高垣墉卻
如寒山聽夜鐘半江漁火淒霜楓窮緩叫雪哀隆冬咆
哮忽駭罷與熊虬枝不怕雷火烘千年倒幹苔蘚封揚
帆直趨馮夸宮萬頃一碧玻璃風離奇幽忽人不逢造
物與我開雙瞳湘靈奏瑟曲未終江波極日愁青峯歸
來吳下舊阿蒙日求一飽翦韭菰饑腸牛吼渴病濃瘦
餓併入愁吟中爨下笑兀焦尾桐賞音那遇中郎邕何
日扁舟五湖東醉披箬笠撐烏篷手揮五絃送飛鴻

長歌行贈瞿三

紹堅

南沙瞿先生古之名士流學劍不成好書史目所過處

無少畱尊彝篆鼎買之不論價森然滿屋琳琅璆蠟得
阮孚履長作山水游有時披鶴氅或披紫綺裘不巾不
履意態狂若此餘子碌碌輕公侯興來一飲三百杯坐
見溟渤胸中開手操綠綺琴海水汨沒天風回鯨魚跋
浪山爲摧紅顏未嫁一朝灰月明環珮珊珊來浣霞仙
人住蓬萊手持玉節虛徘徊綠章箋天不可識前身倪
惚金銀臺謂君聘姬李婉雲降乩事憶昨訪陶子一見卽傾倒子因若溪
識君次口集飲招眞治梅花下君詩如韓歐我詩如郊島折柬招我游
道院大醉不怕梅花惱竭來尋我於姑蘇故人獨有錢
子俱謂子堅維舟山塘日未晡亦有娉約雙吳姝紅紗之

羃絳羅襦主人默坐不發語手中但擊珊瑚株問君不
樂胡爲乎與我卻話婉雲事瓊宮絳闕誰能趨贈我紫
霞杯副以銀鑿落左陳圖經右陰廩彼美人兮意有託
再拜而受將厥誠獨酌那羨黃金觥青鞵布韞從此走
天下南至句漏東蓬瀛眼中九點齊煙平朝登日觀聽
雞鳴仿古或寫摩崖碑濃墨一斗搖光晶歸來與君拾
紫芝餐黃精五加皮酒日日傾玉女笑我顏長頰曷不
騎鯨返瑤京冥冥花樹芙蓉城翠瓊之房題姓名墨雲
子瞿先生

君以酒器名墨輿
地圖諸物見貽

短歌

天上星星白榆樹地下蕭蕭白楊墓蓬萊秋駕翠微間
山鬼蘿衣泣寒霧魚鐙千載秦宮春漆書古篆埋青珉
愁臺一滴酒難入東風吹香過畫輪君不見乳桐花開
金井欄美人相思羅帳寒挽歌聲裏吳王老子規啼破
紅心草

華堂行

主人勸客頗黎觴珠履颯沓趨華堂問客來何方云道
關山長平生不識中書君華瓊炫服神揚揚醉呼肉盤
走紅妝出門自捉青絲韁嗟哉鷓鴣雀弗知鴻鵠安知鳳
與皇鳳皇嗷嗷鷓鴣雀諸諸含沙射影彼何人斯糟邱之

臺不可築白眼看天無醒時

沈明府

守恆

以大甕酒見貽卽邀諸君劇飲醉後

有作示舒大

應鴻

入門何必手黃金出門何必腰青組惟有杜康解我憂
不逢楊昌向誰酤郊關兩度 翠華臨時見風伯清塵

土督郵持符火急來朝朝束帶煩明府我亦相從媿襦

襪差異參軍作蠻語

九月

聖駕由髻髻山展謁陵寢明府辦理大辛莊煙郊

行宮支應邀余同往督郵謂查道官吏也

歸來無事據梧暝夜漏沈沈聽官

鼓小春謾舉煖爐會大肉登牀有肥羜從教羊腍熟穹

廬趨把猪肝累地主

明府烹羊饋食予不食羊

主人知我酷嗜酒浙

嚮相遺勝甕

大甕謂之浙甕見太平寰宇記

偏提注子空復傳鳴夸

滑稽休更數便邀諸君浮大白坐看缺月臨窗戶劇譚

每做楊子雲羈飲眞輪畢吏部雖無紅裙鬧絲竹頽然

似入藏春陽樂廣原知蛇落杯

時予小疾甫愈

史雲一任魚生

釜舒生年少文滿腹粲粲青蓮筆花舞神化終遷北溟

鵬氣高欲射南山虎我道科名竟何物夜壑藏舟強者

取紅塵一窖消不得帶圍萬釘亦何補閉關且作生劉

伶開口應嗤狂杜甫長餅未罄玉山頽中有尊盧萬萬

古

天寒無酒孤坐不寐疊前韻寄程大

銘

先生醉後寄我詩照眼光明五雜組我讀君詩惜無酒
腹大鵝夷誰借酤劉伶未博醉侯封不及趙州一坏土
寒窗偃坐體生粟高處疑在清虛府凍龜縮頸蝸負殼
對此始信東坡語恨無佳句回陽春雨點敲鐙撾羯鼓
平生獨畏黃羊羶座客爭誇三歲羶惜哉不逢高季式
車輪括頸眞賢主庭前柱礎冰雪侵長有凍色粘餅餌
鄭榮詩凍餅粘柱礎青熒鐙火照殘夜屋角明星稀可數明朝異
二應作風怕冷先閉袁宏戶薑芽斂手對欹案甲乙殘
編不成部呖晤聊作老婢聲歸心忽繞桃花隴還家鄉
里在何處日中炊米嗟無釜結網自笑秋蟲愚臨鏡強

致山雞舞當年激感慕游俠欲射長蛟搏侯虎蘇卿裘
敝范叔寒白璧黃金難坐取轉頭正似駒過隙去歲那
有來年補君不見終童棄繻終入關肯把頭顱戀章甫
又不見麻姑進酒方平翁一笑滄桑閱萬古

再疊前韻答程大見和

朔風獵獵吹面寒馬首難誇轡如組不逢酒星照磨蝎
懸幟空憐宋人酤卷簾三見雪花飛蝗子紛紛應入土
文書火急報大吏在官言官府言府人間多事客無能
但解逢人作吳語今朝佛粥喜相餽飽食兩盂慙腹鼓
聞君官閣卜豪宴霍霍磨刀向猊羴我欲連車載酒來

試問客惡何如主平生所願弗能遂正若飲雋懸空甌
青鐙華髮念故交不眠坐把寒更數奇窮那有杜拾遺
痛飲還輸鄭司戶日來呵凍寫書札萬里星郵寄世部
謂慎中故鄉歸祭尙有田霜楓秋冷蒼山隴祖塋在此也知

長安居不易此行豈爲謀區釜讀君詩句洗郊寒壺缺
猶將如意舞男兒封侯自有相與其刻鵠甯畫虎阮生
蠟屐吾所憐祖生障簾吾弗取處爲小草出遠志抵掌
高談一無補年來一任鬼擲揄眼見劇邑求袁甫草船
柳車送窮法此事今人不如古

瞻園紀事柬同人

丈夫何爲書咄咄有詩不吟金谷罰繁華回首四百年
眼底依然好風月簸邏曉吹建高牙幕府郝隆與孟嘉
驕陽當天爍金石墨花灑作兩冷蛇瞻園特書畱

簪藻舜日堯天此中好喬柯自有鸞鳳棲天矯輪囷大
十抱忽然兩腋清風來坐我石屋蒼厓開晚蟬一聲嫋
空碧竹几寒色生莓苔主人耽詩不飲酒謂芝白波卷

入酒龍口肥醲謾侈五侯鯖虛堂伏日宜瓜蒲有美人

兮佐鵲鴈園船吹到十八孃

是日雲柯方伯
分餉鮮荔支

畱連河朔

縱酣飲未知我輩真清狂有時擘牋對明燭仙音琅琅
夏寒玉散珮垂璫白紵詞繁霜曉幕青溪曲有時學作

東方生暗中覆得蜥蜴名他年並是射雕手一語破的
千人驚有時解衣盤礴論今古桓伊吹笛劉琨舞二水
猶環建業城一杯欲酹金陵土君不見瓊樹歌殘狎客
賤令公舊宅餘蒼煙千秋花石託靈爽紛紛甲第徒雲
連連雲大廈容棲託簡點征衫尚如昨王粲年來已倦
游東浪西颺感羈泊出門那作可憐蟲會須破浪乘長
風三山重話題襟事花滿青堆證雪鴻

長歌送陳大春駿之揚州

送君不作梁甫吟窮居抱膝徒滯淫送君不作東野語
切切秋蟲感羈旅君有江淹夢中筆賦得扶桑五色日

君有祖述手中鞭揮破鴻濛九點煙胡爲乎短後衣高
前冠陸離長鉞年年彈揚州風月如長干君也嘯歌而
盤桓我從識君已三月意氣相看共飛越酒腸窄窄詩
腸寬牢把神斤斲山骨自古詩人之窮坐命不坐詩然
犀一照驚支祈老我蠻荒十九載歸來敝車羸馬又向
長安馳我不知我君其知君亦泛鄂渚走番禺鸚鵡洲
前歌鸚鵡鸚鵡峯外聽鸚鵡海天長吟落日孤秋風吹
夢香莼鱸空山白雲那可呼出門一笑饑來驅金陵花
發烏啼樹把醺畱君君不住羌思君今在畫燒月冷紅
樓吹玉簫羌思君今在官閣紙帳梅花香漠漠三十六

陂煙雨寒我曾絕頂憑朱欄消除綺語變蒼靄蜀岡柳
色春闌珊君也嘯歌而盤桓我歌君勿歌請君爲我彈
雲和手無魯陽揮日之長戈青鬢不再休蹉跎除官上
界神仙多霓裳三疊舞素娥大書飛白招爾金鑾坡不
爾湧金門外段橋畔與君共築逍遙館蘿薜先裁隱士
衣煙波好結漁師伴太息萍蓬作浪游暮笳吹徧蕪城
秋青衫應有詞人淚風雨西窗話玉鉤

老人曳車圖陳雲柯方伯

桂生屬題

仙家尻輪御太虛佛家五行乘安車何爲乎紅塵局促
壯而老吁嗟將伯誰助予車雙輪家八口雙鑠哉翁負

之走東西南北去去無時休前身作馬與馬謀百年三
萬六千日終歲勞勞爲家室何不學仙與學佛我聞仙
佛亦有之樊夫人妻羅喉兒胸中塵障一消盡衛空天
馬誰能羈

六龍御宇昭同軌和鸞鏘洋賡喜起當
日軍門露布裁萬里一息風雲開東南保障肩重任鳩
車竹馬歡童孩寇公才望秉鈞軸元方閨門自雍穆從
來家國理不殊赤手要將倫紀扶善氣迎人天所福簪
纓奕葉承芬腴騰驤沛艾揚紫衛龍文驥子皆名駒何
必成仙成佛空所有立人之道歸吾儒此圖偶爲世人
寫世人半是悠悠者不鳴不躍爾何爲一生辛苦居轅

下守錢虜足穀翁尺三汗腳趨如風妻孥含笑呼阿公
當頭義馭無停蹤丈夫羞作駑下態君不見于氏高車
鮑氏驄

寄陳小雲通守

裴之

江都用澄懷堂集中寄仲文

白下韻卽同其體

寒鳥西飛雁北去我家五載淮南住偶喚扁舟訪故人
笑指雜花已生樹招邀共作蜀岡游門前滑笏春波流
綠簣千箇占深窈紛紛煙月誇揚州

蜀岡諸勝予以
篠園竹第一

打

頭風緊催歸早水宿燈昏雨遮道幾番離合祇慙慙相
思不斷如春草江水誰從測淺深如君才調今難尋溫

柔善寫風人旨騷雅能傳秋士心
世事浮雲朝暮變瘵貧無計文章賤
斲梗飄蓬我自知危巢舊壘君應見
同輩看題仲舉輿此身未許伴樵漁
清時好展經綸手珍重他年應辟書

贈桐軒姜翁

鳳喈

前年聞得詩翁名而雖未謀神已往
相逢遲早固有因終竟闊疏悔疇曩
昨同二生

唐君蔚伯程君小松

走訪我行步不

用青竹杖奇情快論駱驛生睂宇軒
軒露秋爽羣兒自短丈夫氣八十老
翁猶倔強歎歌白首天所全屈曲紅
塵道非枉惜哉陳

理俞澂堂

不可作賸有詩句畱天壤騷

壇健者舍翁誰挽底千言恣奔放荒荒坤軸驅螭翻寂
寂叢林禁蜩響不才少小事浪游廿載飄蓬困塵鞅意
中邱壑構未能身外功名來亦儻當頭冷月照苦吟翠
落梧桐倚幽幌翁乎肯諾忘年交相約山亭具醅盎

王貞女詩

有序

貞女名迺敬丹徒王柳村徵君女字眞州陳霞起癸未
六月霞起得疾卒赴至女自縊以救不死歸於陳柳村
爲之徵詩

女有家男有室生不辰喪其匹矢靡他如噉日堂上鵠
鷗呼堂後唳老鳥解我朱絲繩脫我繡羅襦死兮爲我

天生兮爲我姑江波蕭蕭愁殺人耶孃送我楊子津入
門親戚各垂淚問我二十方青春一家有女天下聞有
女有女王徵君

曇雲閣詩附錄卷一終